

Powšitkowne WOZJEWJENJA

njedźelu, 19. julija 2026

Nabožne wusyłanja w serbskim rozhłosu

Katolske nabožne wusyłanje w Serbskim rozhłosu MDR ma tutu njedźelu, 19. julija, kapłan Pětr Mróz z Budyšina. Wotkaz na nabožne wusyłanje w mediatece MDR je pod www.posol.de podaty.

Putnikowanje křižerjow do Roma

Serbscy křižerjo, kotřiž chcedža so klětu na putnikowanju wot soboty do soboty, 1. do 8. meje, wobdźelić, móža so hač do póndžele, 31. awgusta, online přizjewić. To je na internetowej stronje www.posol.de kaž tež přez tule podaty QR-code móžno. Tam su tež nadrobne informacije podate.



Přiležnosť k swjatej spowědži w Róžeńće

W Róžeńčanskej hnadownej cyrkwi budže sobotu, 1. awgusta, wot 17.00 do 18.00 hodź. přiležnosť, sakrament wujednanja přijec. Spowědnicy budu kanonik Šćěpan Delan kaž tež fararjo Michał Anders, Gerat Wornar a Gabriš Nawka.

Zaškleńčne molowanje

Džěci wot staroby sydom lět móža wutoru, 11. awgusta, wot 10.00 do 12.30 hodź. w Budyškim Serbskim muzeju zaškleńčne molowanje zeznać a nałožować. Krok po kroku nawuknu wosebitu wumělsku techniku, tak zo nastanje na škleńcy hotowa molowanka. Přizjewjenja přijimuje Serbski muzej pod mailowej adresu ticket@sorbisches-museum.de abo telefonisce pod čisłom (0 35 91) 2 70 87 00.

Žarowskej kruhaj Carity za džěci kaž tež za dorosćenych

Hospicna služba Hornjołužiskeho zwjazka Carity z.t. přepróšuje na žarowskej kruhaj, kotrejž zahajitej so štwórtk, 18. septembra. Jedyn je za džěci, druhi paralelnje za dorosćenych mysleny. Wobaj trajetej stajnje wot 16.00 do 18.00 hodź. Přenje zetkanje budže w rumnosćach zwjazka Carity w Kamjencu na Zapadnej 22. Zajimcy měli so za kurs, kotryž přewjedže so z džesać zetkanjemi něhdže do srjedź lěta 2027, do toho telefonsce pod čisłom (0 35 78) 37 43 12 abo z mailku pod adresu Hospiz@Caritas-Oberlausitz.de přizjewić.

Podcast k temje lětušich nabožnych prózdninskich dnjow

Katolska akademija Drježdžansko-Mišnjanskeho biskopstwa je w swojej podcastowej seriji „Mit Herz und Haltung“ epizodu k temje lětušeho nabožneho tydženja wozjewiła. Pod titulom „Štó bě poprawom Mójzes? Bibliske pozadki k nabožnemu tydženju 2026“ Lipšćanski radijowy žurnalist Daniel Heinze a dr. Christian Schramm, bibliski wědomostnik, docent za teologiske dalekubłanje a diecezanski nawoda Katolskeho bibliskeho skutka w Hildesheimskim biskopstwje, temu rozjimujetaj. Podaty QR-code wjedže k epizodze, link je tež pod www.posol.de podaty.

Ekumeniski dworowy swjedzeń w Hrubjelčicach

Serbske ewangeliske towarstwo a Maćijec swójba přeprošujetej wšitkich Serbow na lětnje pućowanje a serbski swjedzeń sobotu, 22. awgusta. Započatk je w 14.00 hodź. na Jaworkec/Maćijec dworje w Hrubjelčicach, Čěchorječanska 16. Wottam podadźa so na pućowanje do wokoliny. Po tym budže na Jaworkec/Maćijec dworje kofej spřihotowany. Přizamknje so w 17.00 hodź. serbska ekumeniska nutrnosć z dekanom Witom Sćapanom a superintendentom Krystofom Rummelom. Wot 18.00 hodź. hač do nocy sćěhuje hudźba Drježdžanskeje kapaly Podka pod nawodom Jurja Čornaka. W bróžni budže bifej z jědźemi za hosći přihotowany. Štóz chce k tomu přinošować, njech něšto sobu přinjese. Přeprošeni su tež wšitcy, kiž chcedźa hakle na nutrnosć abo program přińć. Při sylnym dešću zahaji so ekumeniske popołdnjo w 17.00 hodź. w bróžni na Jaworkec/Maćijec dworje.

Dobrowólne socialne lěto w zarjadnišćach Carity

Zajimcy wot 15 lět móža so za dobrowólne socialne lěto pola Zwjazka Carity w Drježdžansko-Mišnjanskim biskopstwje z.t. přizjewić, kotrež so wutoru, 1. septembra, zahaji. Započec móža pak tež pozdžišo. Městnosće džěla su mjez druhim w biskopskej šuli Marije Montessori w Budyšinje, w Marije-Marćinym domje w Pančicach-Kukowje, w Chróšćanskim Domje swjateje Ludmile, w Kamjenskej Džěłarni swjateho Mikławša abo w Smječkečanskim Domje swjateho Jana kaž tež w cyrkwinskih zarjadnišćach w Lipsku a Drježdžanach. Dobrowólne lěto přiliča so jako čakanski čas na studijne městno a płaci jako předpraktikum studija. Na měsac dóstanu wobdžělnicy 420 eurow kapsneho pjenjeza. Nimo toho njetrjebaja sami přinošk za socialne zawěšćenje płacić. Službu wukonjeć měli dwanaće, znajmjeńša pak šěsć a maksimalnje 18 měsacow. Kóždu wutoru w 15.00 hodź. poskićuje Zwjazk Carity onlinowe informaciske popołdnjo. Za nje měli so zajimcy z mailku pod adresu fd@caritas-dicvdresden.de přizjewić. Tam dóstanu wšitke dalše informacije. Pod samsnymi wuměnjemi móža so tež dorosćeni, kotřiž chcedźa nowe džěłowe perspektiwu zeznać, za to přizjewić. Wjace informacijow nańdu zajimcy pod www.posol.de.

Na musical „Jesus Christ Superstar“

Za jězbu z Radworskim Šmitec-Schwarzec wozydłownistwom pod hesłom „Wěra zetka hudźbu“ wot póndžele do štwórtka, 10. do 13. awgusta, do Erfurta su hišće městna swobodne. Mjez druhim dožiwja musical „Jesus Christ Superstar“. Přizjewjenja přijimuja pod telefonowym čislom (03 59 35) 28 60.